

立法會政制事務委員會特別會議 (2007 年 5 月 18 日)

有關政府總部政策局的重組安排建議

香港政府華員會環境保護主任分會

主席、各位議員：

我係嚴可亮，華員會環保主任分會嘅主席。我好高興有機會係呢度，反映環保專業職系同事對今次建議之中，環境局同環保署新架構嘅意見。我想用八個字來形容：「一則以喜，一則以憂」。

喜嘅是環保局的成立，專責環保事務。憂嘅係它嘅架構實在有很多唔完善嘅地方，不利環保政策的推行，最終可能會令市民失望。

最重要嘅係，新的架構裡面，常秘仍要兼任環保署長，現在係時候將兩者分開。

其實環保署長是一個非常專業的職位，佢係擔任「環保專家」的角色，為政府各項重要嘅環保政策，提供意見。例如在城規會，環保署長係以專家身份，從環保角度提供意見。還有，他要以獨立、專業判斷去

批核大型建設嘅環評報告。我地唔想佢嘅角色只係一個環保「花瓶」。佢應該係保護環境嘅「守護天使」！從公眾利益來睇，沒有一個專業人士來擔任守護天使，又何來一個美麗的天空呢？

現在地球病了，而且病得好嚴重，我地需要一個「地球醫生」-- 環保專業，找出病源，對症下藥，專業的環保署長，實在唔可以再等了。

其實環保署在 05 年已和政策局合併，並取消了環保署長一職。在過去兩年，本會看到不少運作上的問題。合併後，環保署內有六個政務官首長級同事，但在短短的兩年，就換了三個，包括常任秘書長。難怪很多人形容這兩年是環保署最動盪的時期。當執掌環保政策的領導層，好似走馬燈一樣，換來換去，不免令公眾產生疑慮，擔心政策的連繼性同持續性。

05 年合併時，政府曾在立法會作出明確的承諾，讓環保專業職系的同事晉升至當時新設的 D6 常任秘書長，這項承諾到今日仲未兌現。隨著常任秘書職級更上一層樓，這個給予立法會和環保主任職系的承諾可能永遠無法實現。最擔心的是，外行人領導內行人。而新的環保架構，將令外行人領導內行人的情況繼續惡化下去。將來如有嚴重環

境事故發生，外行的領導層可不可以應付得到呢？

這個新的架構，仲有另外一個深遠的影響。當環保專業的前途，同其他專業職系比較，變成最差一個的時候，試問我地仲點可以吸引到年青能幹的工程師，科學家等專才進入環保行列呢？到時候青黃不接，人才凋零，最終會不會是社會的損失呢？

我想在完結之前，講一件傷心事給議員聽。在上一個月，環保署剛失去了一位為改善汽車空氣污染，為藍天打氣了十幾年的專業同事。他因心臟病突發而永遠離開了我們，離開了環保署，他的英年早逝，與環保工作壓力不無關係。事實上，我們環保主任職系同事，都是為改善香港嘅環境盡心盡力，鞠躬盡粹，死而後已。

我懇請政府在提升環保架構時，不要遺忘了一班在背後默默耕耘的專業同事所作的貢獻，多謝各位議員。

- 完 -